

立繳典盡契字人水尾庄陳廷璧自置有水田壹段址在后埔庄脚土名石輪下上手應份拈得頂份壹段東至路爲界西至橫溝爲界南至路爲界北至大圳坑爲界四至界址明白爲界後官丈壹甲壹分陸厘柒毫叁絲年配納錢糧貳兩玖錢肆分伍厘捌毫正配清濁埤水貳分灌溉充足今因乏銀別創兄弟相商願將此田出繳典先盡問房親叔兄弟侄人等俱不欲承受外托中引就向與社藪北中街朱廷漢之妻吳氏出首承繳典三面言議時價銀肆佰貳拾大員庫平貳佰玖拾肆兩正即日全中交收足訖其田隨即踏明界址交付與典主前去掌管起耕招佃收租納課永爲己業自此壹繳典盡千休日後子孫不敢言找亦不敢言贖之理若上手蔡家要取贖原脩蔡家契面銀聽付其取贖典主不敢刁難此田係壁自己明繳典之業與別房親人等無干亦無重張典掛他人財帛以及上手來歷交加不明等情如有此情係壁出首抵當不干典主之事此係二比甘愿各無抑勒反悔口恐無憑今欲有憑全立繳典盡契壹紙又帶印契壹紙併帶上手鬮書壹紙丈單壹紙後官丈壹紙併帶上手合約壹紙合共陸紙付執爲炤

即日全中見交收過繳典盡契內佛銀肆佰貳拾大員平重貳佰玖拾肆兩正完足再炤

代筆人吳塘波(花押)

爲中人張純仁

知見人胞弟吳猜(花押)

光緒貳拾年拾貳月

日立繳典盡契字人陳廷璧(花押)

一批明此田大契帶連下段難以開折批明再炤

一批明內添註胞壹字批炤

親筆批明朱吳氏原系浙江松陽縣人氏因長毛匪擾亂流落臺地壯年勤

苦半飢飽度日粒積有此百金明繳典存日後永爲香祀恐有貪圖取利之徒典買此田死子絕孫仁德君子見此誓語不敢典買子孫昌盛富貴綿長